



Malik Berthelsen aamma Kim Kielsen
/MAANI

Utaqqiisaagallartumik inissiat II pillugit § 37 naapertorlugu apeqqutinut akissutit

14-08-2012
Suliap nr. 2011-048571
Dok. nr. 971723

Apeqqtissinnut matumuuna akissuteqarfigineqartunut qujanaq

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.nanoq.gl

1. Qinngutsinni inissarsuaq Aningaasaqarnermut Naalakkersuisoqarfiup aqutarisaa qanga naammassiva qangalu attartortunik inoqalerpa?

AKISSUT: Inissarsuaq Suloraq 3-miittoq Aningaasaqarnermut Naalakkersuisoqarfiup aqunngilaa. Ilumoorpoq Aningaasaqarnermut Naalakkersuisoqarfiup ataani Aningaasaqarnermut Sulisoqarnermullu Aqutsisoqarfimmullu Illuut A/S-imit attartortinneqartoq, Namminersorlutilli Oqartussani tamarmiusumi sulisunut inissiassatut atugassiaavoq.

Aningaasaqarnermut Sulisoqarnermullu Aqutsisoqarfiup 2011-mi decembarip 16-iani attartorlugu aallartippaa. Inissarsuarmik aqutsinissaq februaarip 8-ani iluarsineqarpoq, tamatumalu kingorna inissanik innersuussineq aallartinneqarluni. Attartortut siulliit 2012-imi marsip aallaqqaataani iserterput.

2. Inissarsuaq pineqartoq ullumikkut kimit aqunneqarpa?

AKISSUT: Inissiaatileqatigiiffiup INI A/S-ip Suloraq 3-mik ulluinnarni aqutsineq isumagisarivaa. Tassa attartornermik isumaqatigiissutit, ineqarnermut akiliutit, viceværtarqarqut il.il. INI-mit isumagineqarput.

3. Namminersorlutik Oqartussat ataanni sulisut, atorfimminnut atatillugu qanoq amerlatigisut akeqanngitsumik (vakantbolig) ullumikkut najugaqartitaappat?

AKISSUT: Namminersorlutik Oqartussani taakkuluunniit ataanni immikkoortortaqaqarfinni sulisut, atorfimminnut atatillugu akeqanngitsumik najugaqartut 2012-imi juulip 18-iani 89-iupput.

4. Taamatut akeqanngitsumik najugaqartitaasut nammineq akilerlugu inissiamik attartuisunngornissaat Naalakkersuisunit qanoq iliuseqarfigineqarsimanerlutik? Taamatut akeqanngitsumik najugaqartinneqartut inissiani attartotunngornissaannik Naalakkersuisunit neqeroorfigineqarsimagaluarnelutik? Taamaattoqarsimappallu neqeroorfigineqartut qanoq amerlatigisut nuussimappat imaluunniit nuukkumasimangillat?

AKISSUT: Attartortut tamarmik akeqanngitsumik najugaqartitaasut Sulooqqami Tuapannguaniluunniit inissianut nammineq piumasutsiminnik nuullutik nammineq akilerlugu attartotunngornissamik neqeroorfigineqarput.

Suloqqami sulisunut inissiat pillugit neqeroorut inunnut sulisutut inissaminnik utaqqisutut allatsissimasunut 118-inut februaarip 15-iani nassiunneqarpoq. Neqeroorut marsip 23-ani nassiussuunneqaqqippoq. 14-it neqeroorummut akuersaarput.

Utaqqiisaagallartumik inissiat akeqanngitsumik inissiatut akileraarusersorneqarnissaannut tunngassuteqartoq akileraartarnermik allanngortiterinissamut siunnersuummi, 2012-imi ukiakkut ataatsimiinnermi Naalackersuisut saqqummiussassaanni ilaatinneqarpoq. Tamanna toqqaannanngitsumik atuisut akiliuteqartinneqarnissaattut isigineqarsinnaavoq, pisortani namminersortunilu sulisunut attuisussa.

Inussiarnersumik inuulluaqqusillunga

Maliina Abelsen